

الفصل الثاني (قصة شبح)

زاد خوف و رعب هديل و بدأت تنتهته وتقول " ق .. قص .. قصدك إيه مش فاهمه " انتهدت شاديه وقالنها " يا هديل إرجعي بلدكم وإعمليلك زار يطرده بعيد عنك و ياريت ينفع الزار ولا حتي روجي لشيخ يرقكي ولا يعملك أي حاجه متستنيش هنا أكثر من كده " مسكت هديل إيدين شاديه وقالت "أبوس إيدك قوليلي في إيه؟" بصت شاديه في الارض وبعدها دببت علي كتف هديل وقالنها " ده عفريت أو شبح , ده شاب من الحته هنا من عشر سنين كان بيحب بنت في المنطقة وأهلها رفضوا يجوزوهاله عشان كان صايع وأهله تقريبا متبريين منه ومحدث بيحبه والكل بيخاف منه كان بلطجي , وعمل مشاكل كتبيير في المنطقة ولأهل البنت دي لحد ما خلاهم عزلوا وبعدها اختفى ومحدث دور عليه , بيقولوا راح عند أهل البنت دي بردوا , و ناس بيقولوا طفش من زعله , وناس بيقولوا أنه رجع في ليلة غرقان ف دمه ف عز السقعه وفضل يخبط على ببيان بيوت الشارع كله ومحدث فتحله الكل كان خايف و مرعوب , لحد ما اتصفي دمه و مات , لدرجة ان محدث فكر حتى مجرد تفكير بطلبه الإسعاف , من عمايله السوداء ده حتى كانوا بيوصوا بناتهم بيعدوا عنه لو شافوه بالصدفة في الشارع , العمارة اللي علي اول الشارع اللي مات تحتها اهل الدور الأرضي سمعوه و هو بيطلع الروح بيقول إنه هيننقم من أهل المنطقه و هيعمل نفس اللي عمله ف البنت اللي كان بيحبها , و من ساعتها بيطلع تقريبا كل سنه أو سنتين يختارله بنت معينه , تلاته من قبلك مش عاوزه اقولك مصير كل واحده كان إيه عشان متخافيش , اسمعي نصيحتي روجي بلدك حته لو اشتغلتي خدامة افضلك

من اللي ممكن يحصلك , ده حطك ف دماغه خلاص , اصفر
وش هديل وبلعت ريقها بالعافية وكلبشت ف البطانية أكثر و
هي بتسمع و مش مستوعبة , وبتفكر أنا اتحديت ناس كتير
لحد ما اخدت الشهادة بتاعة التمريض دي بالعافية واشتغلت
حاجات كتير عشان ادبر فلوس تعليمي وشربت المرار عشان
الأقي الوظيفة دي بمرتب حلو اصرف منه على اخواتي وأمي
العيانة , و بعد ده كله يجيلي شبح واحد يطير كل حاجه مني ,
وبكت هديل كتير وصعبت علي زميلتها في السكن اللي
ساعدتها تنام و غطتها و هي بتتصعب عليها و علي حالها "ايه
اللي صابك بس ده يا بنتي معلش ليها حلول و ربك كبير"
وتاني يوم حصل شيء عجيب جدا

الفصل الثالث (رعب صاحية و نايمة)

كانت ماشيه هديل ف الشارع في نفس التوقيت تقريبا بتاع
الليلة اللي فاتت , ولايسة نفس الهدوم و نفس البالطو , ونفس
الإحساس بالرعب وكأن حد ماشي وراها ظل تاني مع ظلها
نفس صوته عالي غير نفسها في الشارع وبيقرب منها
,وحاسة برعب وخوف وبتشده ف البالطو عليها مش بس
عشان يدفيها ولكن كمان عشان يمكن تحس بالأمان , وفجأه
قررت تلف وتبقي شجاعة وتشوف مين وراها وأول ما لفت
راحت مصرخة صرخة عالية وحست إنها بتطير فوق
الأرض و سواد الشبح بيكبر ويطول و كل ما تترفع لفوق
يطول السواد اكثر و هي بتصرخ وبتفكر حكايات جدتها عن
العفريت المارد اللي بيطول و يطول ويطول ومحدث بيحبيب
آخره , وفجأة حست إنها بتقع ع الأرض ببتشده لتحت هتموت
لو وصلت للأرض هتوصل متفتته ميت حته , وفجأه
صرختها رجعلها الصوت وقامت لقيت نفسها واقعة من على

السرير ومتبته ف بطانييتها وعرقانة جدا رغم السقعة الجامدة وصحتها بتشدها من رجليها عشان تشيلها وتحطها ع السرير , بصت على الحبيطة لقت انه بس خمس دقائق عدوا , مكانتش مصدقه ان اللي شافته كان مجرد حلم , ازاي بس دي حسنت بكل حاجه بجد , أكيد مكانشي حلم أكيد , ومكانتش سامعه ولا كلمه من صحبتها اللي بتحاول تفوقها من رعبها وكأنها ف غيبويه غصبا عنها ومش عارفه تقوم منها وجابتلها كويابة مياه شربت بق و حاولت تروح ف النوم من ثاني , كان لازم تروح الشغل بدري و تحاول مع الممرضة المسئولة عن القسم اللي بتشتغل فيه عشان تخلي شفقتها أو وقت شغلها بالنهار , فضلت تترجاها بس مفيش فأيده قالتها انتي من أكفأ البنات عندي و مش هسمحك تسيبي أكثر وقت ممكن المريض فيه يحتاج مساعدة بالليل و هو لوحده , حاولت تشرحها وضعها وتقولها على اللي بيحصلها لكن طبعا الممرضة الأعلى منها رتبه مصدقتهاش و سمعتها محاضرة طويلة عريضه عن الخرافات و الخزعبلات والضغوط اللي ممكن تخلي الإنسان يتهيأله حاجات مبتحصلش , اصلاً هديل مسمعتش منها ولا كلمة كان كل تفكيرها تخرج من الأزمة دي ازاي ازااااي , روحت بالنهار , مشت في الشارع تبص عليه بإستغراب وكأنها أول مرة تشوف الشارع , وقفت كتير أمام المكان اللي بيقولوا اتقتل فيه عم البلطجي , مشيت و كأنها مش في وعيها بتبص حواليتها حاسة إن كل حاجه بتراقبها , كل حاجه ليها عيون , الحيطان و عواميد النور حتي يُفط المحلات الكوافير والسوبرماركت , ووصلت البيت مسهمة مش عارفه تعمل إيه , ومن الرعب والخوف الشديد مراحتش شغلها بالليل بالرغم من العقاب و الخصم من المرتب لكن مقدرتش, كل اللي عملته انها قعدت علي كرسي لافه بطانيه حواليتها, ومش بتنطق بكلمة ولا بتاكل ولا بتشرب, وتاني ليله نفس الكلام

ومحدث من زميلاتها في السكن عرفوا يخرجوها من
حالتها، لحد ما جت اللي قدرت تخليها تتكلم و تاكل لأ و كمان
تخرج بالليل .